

# The Diocese of St Mark the Evangelist

(The Anglican Church in Limpopo Province)

Bishop: Luke Pretorius

[bishop@stmark.org.za](mailto:bishop@stmark.org.za)

Tel: (015) 297-3297

Diocesan e-mail: [reception@stmark.org.za](mailto:reception@stmark.org.za)

29 Devenish Street, Polokwane



P.O Box 643

Polokwane, 0700

South Africa

July 2020

## Lengwalo-tshedimošo la Marega

Bagwera bao ba rategago

Ke le ngwalela lengwalo-tshedimošo le ka letšatši leo le tonyago kudu la marega, re šeditše tšidifalo yeo e tšwago go la Kapa, e re tlišetšago go tonya kudu.

Ke kgopela gore le dule le ruthafatše gomme le phetše gabotse. Kudu ge re batamela sehlogeng sa palo ya pheteletšo ya COVID-19. Seo Mopresidente Ramaphosa a se swantšhitšego bjalo ka Ledimo leo le lego bjalo ka Leuba le.

E sale moo ngwaga o thomago, go diregile dilo tše dintši le gore go dikgokagano tša rena le lena moo dikgwedi tše di fetilego di be di bolela ka khuetšo ya COVID-19. Ke sola gore tšhitišo yeo e tlilego le COVID-19, e tla ba le rena moo dinakong ka moka tša lenyaga.

### COVID-19

Khuetšo yeo re kopanago le yona ka lebaka la twatši ya Corona ga se yeo e tlogo ka bolwetši le lehu, fela le ya mabakeng a ekonomi le a mo setšhabeng.

Ke ngwadile ka botlalo ka ga mabaka a kotsi ao amegago le COVID-19, gomme le ba bangwe ba dirile ka tsela yeo. Ke ka se di boeletše fa, fela ke kgopela gore le dule le theeditše ka ga dihlabologo le maitapišo a Mmušo mo go lwantšheng ga pheteletšo ya bolwetši bjo. Seo se lego bohlokwa ke gore re tšee maikarabelo a go ka fokotša go iponagatša goba go ka fetelelwa le go feteletša ba bangwe.

### Khuetšo ya COVID-19 go Ekonomi

Kiletšo ye ya mosepelo, e be e hlokagala ebile e le bohlokwa, fela e amile dikgwebo le bao ba lefiwago megolo ya fase gampe, ebile ba bangwe ba felelwe ke mešomo. Ke sola gore seemo se se tlile go senyega le go ya pele. Ke kgopela le be ba bohlae mo diphethong tša lena tša matlotlo gomme le be ba go fa go bao ba hlokago.

Khuetšo ya matlotlo go Daosese le a Dipheriši. Baruti bao ba lefiwago le bašomi ba Daosese ba lefiwa 80% ya megolo ya bona. Freda o šogane kudu le go ka ba batela ka UIF TERS Fund, fela se se ka se kgone go ka tšwela pele ka ge ba bangwe ba gola fase ga moo ba bego ba gola la pele.

Bontši bja Dipheriši tša rena di lekile go ka patea matkgetho a bona a kgwedi ka botlalo go tloga ka March go fihla ka May. Fela, morago ga go boledišana le Diocesan Finance Board, re kwane ka go fokoletša Dipheriši makgetho a bona ka 20% go thoma ka June. Ke rata go leboga Dipheriši tša rena ka go leka le matapišo a bona go re ba lefe, go tee le batho ba rena go re ba sa ikemišeditše go tšwela pele ka go neela go ya ka tsela yeo ba ka kgonago. Ke a le tlotla ka lebaka la tumelo ya lena

Ke Pheriši e tee fela yeo ipoletšetgo gore e tla šitwa go lefa makgetho a bona, go tloga ka April ga se ba lefe selo.

Ke rata go leboga ba Green Anglicans Network ya Daosese ka go neela ka kwešišišo, moo ba fokoditšego matlotlo a bona go thuša Daosese ka ditefelo tša megolo ya bašomi le Baruti. Seo ke tiragalo ya botho.

### **Khuetšo ya COVID-19 go merero ya leago**

Bohloko bja leuba le, le kiletšo ye ya mosepelo bo tšeneletše kudu ka hlokofatšo yeo e diregago kgahlanong le basadi le bana. Se ga sa dumelelega, ebile le ka tsela ya sedumedi, ga se yona.

Mo go lengwalo-tshedimošo le, ke gomareditše ditokomane gomme bontši bja tšona di na le di hyperlink tše di na le tše dingwe tša ditlabakelo tša go amana le:

- ~A Safe World for Children
- ~Pledge by Men of Faith to end violence against women
- ~10 things Men of Faith can do to end violence against women
- ~A Newsletter from Growing the Church about gender-based violence
- ~A set of Bible Studies around gender-based violence

Ke le hlotleleša gore le bale ebile le abelane ka ditokomane tše. Bohloko bja hlokofatšo ya bong ke engwe ya dihlotlo tše kgolo tše Afrika Borwa e di šeditšego lebakeng la bjale. Go ka ba bose ge Daosese ye, kudu banna gore ba bonagatše boetapele mo go fedišeng ga hlotlo ye.

### **Go phuthegela mmogo ga rena le go iša pele**

Kereke ya Tšhatšhe ya Borwa bja Afrika e ipileditše go se dumele go phuthegela mmogo gore re kgone go tsentšha ditirelo dikerekeng. Se ke sephetho sa lebakanyana ka ge se eleditšwe ke dikeletšo tša maphelo tše re di hweditšego di re kgala kgahlanong le go phuthegelana mmogo. Le ge e ka be e le batho ba 50. Fela, seo se ka hlatloša bokotsi bja phetelo ya COVID-19. Mo lengwalo-tshedimošong la ka la mafelelo, ke abelane le lena tokomane yeo e beakantšhitšwego ke Chapter ya rena mabapi le sephetho se.

Ke nnete se ga se bonolo go rena ka gere hlologetše kudu go kopana le go abelana ge re phuthegelane mmogo. Le go theoga ga letseno ka ge batho ba se sa na lebaka le le kwagalago gore ba neele ge ba sa ye kerekeng.

Ke le hlotleletša gore le nagane gore re ka hloma mekgwa ye me mpsa ya go tumiša Modimo ntle le go phuthegelana mmogo. A re ka šomiša thekenolotši bokaone gomme ra thuša bao ba se nago tumelego go tša thekenolotši? A re ka kopana ka dihlophana mo lefelong leo le bulegilego gomme re eme kgole le kgole gore re kgone go ka theeletša baruti le badiredi ba re abela molaetša wa Modimo? A re ka kopanela boema difatanageng tša kerekeng re le ka gare ga difatanaga tša rena gomme ra theeletša moreri? A moebangedi a ka sepela ka sefatanaga a šomisa segodišalentšu go aba molaetša wa phološo?

Ke dikakanyo di fe tše o ka di gopolago? Seo re se dirago, se swanetše e be se latela melao yeo e phatladišwego le yeo e beilwego ke Kereke. Boledišanang, le rapele gomme le theeletše gore Modimo o le bileditše gore le dire eng. Le abelane seo le ketapele ya lena, Baruti le diArchdeacon gore le bona ba abelane le Daosese gomme ba kgone go hlotleletša le ba bangwe.

Ke sola gore sephetho se sa go ema kgahlanong le go phuthegelana mmogo dikerekeng, se tla ema ka mokgwa woo go fihlela bofelong bja September. Chapter e sa šogana le tokomane yeo e hlalošago ka botlalo gore go swanetše gore go hlokega ke neng moo batho ba ka fiwago tumelelo ya go ka phuthegela mmogo dikerekeng. Gomme e tla phatlalatšwa mo nakong yeo e sa fedišego pelo.

Go tseba fela Modimo gore thibelo ye e tla ba gona go fihlela neng. Ke gopotšwa ke seemo seo Noa a be a le ka gare ga sona a le tee ka gare ga areka. Le ge areka e feleditše e eme godimo sehlogeng sa thaba, Noa ga se a bula mabati ka ge a be a emetše sešupo go tšwa go Modimo. E be e se morago ga lebakanyana moo Modimo a dumeleletšego Noa gore a bulele diphoofolo le ba lapa la gagwe. Le rena re tla emela nako e maleba gore re bule mabati ya rena gape.

A re tiišeng tshepo ya rena go re Modimo o laola tšhohle le gore nako ya gore re be mmogo gape kerekeng e tla fihla. Mo lebakeng la bjale, a re beng le tumelo gomme re tshepe Modimo le gore re tšwele pele re dire tše botse go ya ka mokgwa woo re ka kgonago.

### **Tirelo ya Manche Masemola e tla ba ka mokgwa wa Online**

Ka lebaka la go emišwa ga ditirelo tša kereke, tirelo ya Manche e tla gatišwa gomme ya bontšhwa ka mokgwa wa online ka Sontaga sa di 02 August ka iri ya seswai mesong. Ke kgopela le šetšeng link go Church-on-Line yeo re šomišago bjalo ka ge re bontšha ditirelo tše dingwe tša mo Daoseseng ka diSontaga tše dingwe le tše dingwe, le ya Manche e tla ba ka tsela yeo.

### **Thumo**

Ke kgopela le direng ka botšohle gore le bao ba phetšeng gabotse. Le gopole gore ga go na seo se swabišago ge o feteletšwe ke COVI-19. Rapelang ebile le thekge bao ba babjago ka lebaka la bolwetši bjo le ba bontšhe lerato.

Ke kgopela le thuše ka go phatlalatša lengwalo-tshedimošo le bokgole bjoo le ka bo kgonago. Ka le baka la gore kiletšo ya mesepelo ga e dire gore go be bonolo gore re ka kgona go ka le phatlalatša. Gomme bao ba hlokago lengwalo-tshedimošo le le gatišitšwe letlakaleng, ba ka re botša gomme ba ka tšea Dikantorong tša Daosese.

Ke le rapelela dišegofatšo tša Modimo, go bolokega le bophelo bjo bo kaone go lena bohle.

Wa lena Moreneng wa rena Jesu Kriste,

*+ Bese St. Mark the Evangelist*

Bishop Luke Pretorius

Diocese of St. Mark the Evangelist

Attachments: ~A Safe World for Children  
~Pledge by Men of Faith to end violence against women  
~10 things Men of Faith can do to end violence against women  
~A Newsletter from Growing the Church about gender-based violence  
~A set of Bible Studies around gender-based violence